




Gobernador a haci entrega di Condecoracion Real na 17 arubiano



ORANJESTAD (AAN): Diabierna mainta, 3 di juli, 17 Arubiano a ricibi nan Condecoracion Real for di Gobernador Alfonso Boekhoudt.

E otorgamento di condecoracion, cu tradicionalmente ta wordo teni un dia prome cu Dia di Rey, no por a tuma lugar e dia ey e aña aki pa motibo di e consecuencianan di e COVID19-virus.

E personanan cu a ricibi e condecoracion a wordo yama anteriormente door di Gobernador, for di ken nan a tende cu nan ta bin na remarke pa ricibi un condecoracion real. E condecoracionnan aki ta wordo entrega anualmente na personanan cu haci un impacto excepcional den

nos comunidad.

Pa motibo di e regla di distanciamiento social di 1,5 meter, e condecoradonan a ricibi e condecoracion den nan man, y e no a wordo adheri riba nan paña door di e Gobernador. E condecoracion a wordo entrega den un caha luhoso, y despues e condecoradonan mes por a bisti esey riba nan paña.

E siguiente personanan a wordo condecora como "Ridder in de Orde van Oranje-Nassau":

- Jacob Bult
- Peter Paul Michael Theodoor Hermans
- Imy Josephine Cecile Heinze-Lasten
- Alexander Maarten Nieuwmeijer

- Olga Josefina Buckley
- Jan Willem van Nes

E siguiente personanan a wordo condecora como "Lid in de Orde van Oranje-Nassau":

- Sebastian Israel Falcon
- Elizabeth Phillis Craigg
- Reuben Laurence Craigg
- Maria Louisa Croes
- Rolando Juan Croes
- Edwardo Fernando de Graf
- Jacobo Dominico Henriquez
- Swinda Anastacia Thiel
- Elba Lucilda Hirschfeld-Smith
- George Jozef Geerman
- José Bernardino Andrade do Salão

Foto: ©Kabinet Gou-
verneur Aruba

Columna E Sembrado

Diasabra 4 di juli 2020, di diestres siman den Tempo Ordinario Ciclo A
Santa Elisabet di Portugal

Calendario Liturgico 2020

Prome Lectura: Amos 9,11-15;

Salmo: 85;

Evangelio: Mateo 9,14-17;

"Mester basha biña nobo den saco nobo y tur dos ta keda bon conserva." (Mt.9,17)

Hesus ta papia cu nos atraves di un comparacion y ta muestra nos cu loke ta bieu ta keda balioso y mester warde como parti di e mensahe y e realidad nobo, e enseñansa nobo cu Hesus ta anuncia. No ta posibel combina e mensahe nobo cu Hesus ta trece pa nos cu e custumbenan bieu di antes. Of esun of e otro! Nos tin cu sa con pa separa ecosnan. P'esey Hesus ta invita nos pa ser un hende nobo lagando e hende bieu, cu tur su custumbenan di antes atras y pa laga Hesus actua den nos. E cu ta e Unico cu por transforma nos cu un actitud nobo, un mentabilidad nobo, karakter nobo y un curason nobo cu ta stima y anhela semper pa ta cu Dios. Asina nos ta acepta e boluntad di Dios y cu un confiansa den Dios nos ta logra vence e poder riba maldad y nos lo tin legria total pasobra Hesus a vence poder di maldad na cruz.

Oracion: Dios Tata Todopoderoso duna mi e gracia pa anhela pa wordo transforma den un hende nobo. Yena mi cu e fortaleza pa laga tur mi debilidadnan, mal pensamiento, mal karakter y curason duro atras y yena mi cu amor y paz. Amen.

Grupo Centro Pastoral Aruba